

Na osnovu člana 12. stav 3. Zakona o unutrašnjoj trgovini („Službene novine Federacije BiH“, broj 40/10), Federalni ministar trgovine donosi,

P R A V I L N I K
O IZMJENAMA I DOPUNAMA PRAVILNIKA O NAČINU
EVIDENTIRANJA
I KONTROLI PROMETA NAFTNIH DERIVATA PUTEM UGRAĐENE
OPREME NA BENZINSKIM PUMPNIM STANICAMA
U FEDERACIJI BOSNE I HERCEGOVINE

Član 1.

U Pravilniku o načinu evidentiranja i kontroli prometa naftnih derivata putem ugrađene opreme na benzinskim pumpnim stanicama u Federaciji Bosne i Hercegovine («Službene novine Federacije BiH», broj 84/11), u članu 2. tačka 2. druga rečenica, mijenja se i glasi:

„Rezervoari moraju biti kalibrirani prije verifikacije volumetrijskom metodom“.
U tački 4., u četvrtom redu, riječ „ovlašteni“ zamjenjuje se riječju „imenovani“.

Član 2.

U članu 3. stav 2. mijenja se i glasi:

„AMN iz stava 1. ovog člana, prije ugradnje na BPS, mora proći proceduru ispitivanja i odobravanja tipa i verifikacije i imati certifikat o odobrenju tipa izdat od strane IMBiH-a, certifikat o verifikaciji izdat od Imenovane laboratorije i verifikacijsku oznaku od strane Imenovane laboratorije i FZZM-a“.

U stavu 4. u prvom redu riječ „kalibriran“ zamjenjuje se riječju „verifikovan“, u drugom redu riječ „kalibraciji“ zamjenjuje se riječju „verifikaciji“.

U stavu 5. iza riječi „organom“ dodaju se riječi: „uključena na naponsku mrežu preko neprekidnog izvora napajanja (UPS)“.

Član 3.

U članu 5. stav 2. alineja 2., u trećem redu riječ „kalibracija“ zamjenjuje se riječju „verifikacija“.

Član 4.

U članu 9. stav 1. iza riječi „podataka“ dodaju se riječi: „kontinuirano 24 sata“.

U tački 4. iza riječi „preuzimanja podataka“ dodaju se riječi: („sa dnevnim presjekom od DD. MM. GGGG 00.00 do DD. MM. GGGG 23.59.)

Član 5.

U članu 10. iza stava 2. dodaje novi stav 3. koji glasi:

„Izveštaj dnevnog prometa mora biti definisan sa datumskim i vremenskim intervalom za koji je generisan i to na način da pokrije 24 satni period (od DD.MM.GGGG 00.00 do DD.MM.GGGG 23.59)“.

Član 6.

Iza člana 11. dodaje se novo poglavlje V-a i član 11-a koji glase:
„V-a KONTROLE PRENOSA PODATAKA

Član 11-a

Benzinska pumpna stanica može poslati, a sistem će zaprimiti, samo jedan dnevni XML izveštaj o prometu. U slučaju pogrešnih podataka, ovlaštena osoba benzinske pumpne stanice će poslati pismeno obavještenje o grešci sa novim – ispravljenim vrijednostima, najkasnije u roku od sedam dana od dana slanja izveštaja o prometu.

U slučaju nedostajućih ili pogrešnih podataka poslanih sa AMN uređaja, Serviser će zajedno sa ovlaštenim predstavnikom BPS poslati pismeni izveštaj o grešci sa novim – ispravljenim vrijednostima, najkasnije u roku od sedam dana od dana slanja AMN podataka.

Referentne minimalne i maksimalne vrijednosti podataka su:

TEMPERATURE_MIN	= -50	C (celzijusa)
TEMPERATURE_MAX	= 50	C (celzijusa)
PRODUCT_LEVEL_MIN	= 0	mm (milimetara)
PRODUCT_LEVEL_MAX	= 3000	mm (milimetar
VOLUME_MIN	= -20	l (litara)
VOLUME_MAX	= 100000	l (litara)
WATER_LEVEL_MIN	= 0	mm (milimetara)
WATER_LEVEL_MAX	= 3000	mm (milimetara)
WATER_VOLUME_MIN	= 0	l (litara)
WATER_VOLUME_MAX	= 100000	l (litara)
DENSITY_TC_MIN	= -1	kg/m ³
DENSITY_TC_MAX	= 1	kg/m ³
SELLING_PRICE_MIN	=5	KM
SELLING_PRICE_MIN	=5	KM

Ukoliko podaci ne budu u referentnim granicama, isti neće biti zaprimljeni na sistemu za nadzor i kontrolu prometa naftnih derivata (NKPND).“

Član 7.

Član 13. briše se.

Član 8.

Ovaj pravilnik stupa na snagu narednog dana od dana objavljivanja u „Službenim novinama Federacije BiH“.

Broj: 01-02- 742/12
26. mart 2012.godine
M O S T A R

MINISTAR
Milorad Bahilj, dipl.oec.